

228641

成都工字號書館

林本鈞藏

卷

二二四

水字

卷

二二四〇

水字

卷

二二五

水字

卷

二二六

水字



永樂大典

百一四



永樂大典卷之一萬一千二百三十八

八

水 水經十二

水經江水。又東逕餘姚縣故城南。縣城是吳將朱然縣所築也。南臨江津。北背巨海。夫子所謂滄海漭漭萬里之洲也。縣西去會稽一百四十里。因其句縣山以名。縣山在餘姚之南。句章之北也。江水又東逕太湖塘湖。水沃其縣。以爲良田矣。江水又東注于海。是所謂三江者也。故子胥曰。吳越之國。三江環之。民無所移矣。但東南地卑。萬派所濬。濤湖泛決。觸地成川。扶津入渠。世家分夥。故川舊濬。鄣以水患難。依縣地緝繒所繒。亦未必一得其實也。又東過諸陽縣。諸水出焉。自上粉縣北源注之。諸水出建平郡界故平谷東應新城郡。郡故漢中之房陵縣也。世祖建武元年。封鄧晨爲侯國也。漢末以爲房陵郡。魏文帝合房陵上庸西城。立以爲新城郡。以孟達爲太守治房陵故縣。有粉水縣居其上。故曰上粉縣也。諸水之傍有別溪。岸側土色鮮黃。乃云可噉。有言飲此水者令人無病而壽。豈可信乎。又有白馬山。山石似馬。望之逼真。側水謂之白馬塞。孟達爲守。登之而歎曰。

劉封中純據金城千里而更失之乎。為上堵吟音韻來切有惻人心。今水
次尚歎之。堵水又東北逕上庸郡。故庸國也。春秋文公十六年楚人秦人
巴人滅庸。庸小國附楚。楚有突不救。秦群蠻以叛。故滅之以為縣。屬漢中
郡。漢末又分為上庸郡。城三面際水。堵水又東逕方城亭。而東北歷泰山
下。而北逕堵陽縣南。北流注于漢。謂之堵口。漢水又東謂之潯灘。冬則水
淺。而下多大石。又東為潯灘。夏水急。嵐川多湍。復行旅苦之。故諺曰。冬潯
夏斷。斷官使命。言二難阻礙。又東過鄆鄉縣南。漢水又東逕鄆鄉縣南之
西山。山有石城墓。倉卒看之。與真不別。漢水又東逕鄆鄉縣故城南。謂之
鄆鄉。鄆縣故城也。即長利之鄆鄉矣。地理志曰。鄆有閭亭。亭。奇以為鄆子國。
晉太康五年立以為縣。漢水又東逕琵琶谷口。梁益二州分境於此。故謂
之琵琶界也。又東北流。又屈東南過武當縣東北。縣西北四十里。漢水中
有洲名滄浪洲。庾仲雍漢記謂之千齡洲。非也。是世俗語訛。音與字雙矣。地
記曰。水出別山東南。流為滄浪之水。是近楚都。故漁父歌曰。滄浪之水清
兮。可以濯我纓。滄浪之水濁兮。可以濯我足。余案尚書為貢言導漾水東
流為漢。又東為滄浪之水。不言過而言為者。明非他水決入也。蓋漢污水
自下有滄浪過稱耳。經略鄆鄉地連紀。鄆成楚都矣。漁父歌之不遠水地。

考按洲傳宜以尚書為正耳。漢水又東為恨子潭。潭中有石磧洲。長六十丈。廣十八丈。世亦以北洲為恨子墓父於斯。故潭得厥目焉。所未詳也。漢水東南逕武當縣故城北。世祖封鄧展子室為侯國。內有一碑。文字磨滅。不可復識。俗相傳言是華君銘。亦不詳華君何代之士。漢水又東平陽川水注之。水出縣北伏觀山南。歷平陽川逕平陽故城下。又南流注于沔。沔水又東南逕縣城東。又東曾水注之。水導源縣南武當山。一曰太和山。亦曰參上山。山形特秀。又曰仙室。荊州圖副記曰。山形特秀異於衆嶽。峯首狀傳山背爐亭。亭迤出藥食延年者。華焉。晉咸和中。應陽謝允捨羅邑宰。隱適斯山。故亦曰謝羅山。曾水發源山麓。逕越山陰東北。流注于沔。謂之曾水。又東逕龍巢山下。山在沔水中。高十五丈。廣圍一里二百三十步。山形峻峭。其上秀林茂木。隆冬不凋。又東南逕涉都城東北。故鄉名也。案郡國志。筑陽縣有涉都鄉者也。漢武帝元光元年。封南海守絳侯子嘉為侯國。均水於縣入沔。謂之均口也。又東南過鄖縣之西南。縣治故城南。臨沔水。謂之鄖頭。漢高帝五年。封蕭何為侯國也。薛瓌曰。今南鄉鄖頭是也。茂陵書曰。在南陽。王莽更名南度者也。又南逕穀城東。又南過陰縣之西。沔水東逕穀城南。而不逕其東矣。城在穀城山上。春秋穀伯綏之邑也。

塘閘頗毀。基堦亦存。污水又東南逕陰縣故城西。故下陰也。春秋昭公十九年。莒使工尹赤遷于下陰是也。縣東有縣令濟南劉臺字德怡。魏時宰縣。雅好博古。學故立碑。載生徒百有餘人。不終業而夭者。目墓其地。號曰生墳。污水又東南得洛溪口。水出縣西北集池波。東南流逕洛陽城北。阮洛溪。溪水東南注污水也。又南過筑陽東。筑水出自房陵縣東。過其縣南流注之污水。又南此水流注之。水出梁州閬陽縣。魏建夏侯淵與張郃下巴西進軍宕渠。劉備軍沔口。即是水所出也。張飛自別道襲張郃於此水。郃敗棄馬升山走。運漢中。沔水又東巴西歷巴渠北新城上。庸東逕沔陽縣故城南。晉分筑陽立自縣以上山深水急。狂者崩潰。水陸徑絕。又東逕學城南。梁州大路所由也。舊說昔者有人立學都于此。值世荒亂。生徒相依。遂共立城以御難。故城得厥名矣。沔水又東流注于沔。謂之沔口也。沔水又南逕關林山東。本郡陸道之所由。山東有二碑。其一即記關林山文。曰君國者不躋高壇下。先時或斷山崗。通平道。民多病。守長冠軍張仲瑜乃與邦人築斷故山道作此銘。其一郭先主碑。先主廟宇甫成。有耆及悅學之美。其女為立碑于此。並無年稱。皆不知何代人也。污水又南逕築陽縣東。又南筑水注之。杜預以為彭水也。水出梁州新城郡魏昌縣界。縣以

黃初中。分房陵立沅水。東南流。逕沅陽縣。水中有孤石挺出。其下湮淺。時有見此石根如竹根而黃色。見者多凶。相與號為受石。所未詳也。沅水又東。逕沅陽縣故城南。縣故楚附庸也。秦平郢都。立以為縣。王莽更名之曰宜禾也。建武元年。世祖封吳財為侯國。沅水又東。流注于沅。謂之沅口。沅水又南。逕高亭山東。山有靈焉。士民奉之。所謂有驗沅水。又東為漆灘。新野郡山都縣與沅陽沅分界於斯灘矣。又東過山都縣東北。沅南有固城。城側沅川。即新野山都縣治也。舊高陽之赤鄉矣。秦以為縣。漢高后四年。封衛將軍王儼為侯國。沅北有和城。即郡國志所謂武當縣之扣聚山都縣舊實治此。故亦謂是處為故縣灘。沅水北岸數里有大石激。名曰五女激。或言女父為人所害。居國城。五女思復父恩。故立激以攻城。城北今淪于水。亦云有人葬沅北墓宅。將為水毀。其人五女無男。皆悉巨富。其脩此激以全墳宅。然激作其上。又云女嫁為陰縣張子家。資萬金。而自少小不從父語。父臨亡。意欲葬山上。恐兒不從。故倒言葬我著清水石碕上。僕子甲。我由來不奉教。今從語。遂盡散家財作石塚。積上碕之成。一洲長數百步。元康中。始為水所壞。今石皆如半楡許。數百枝聚在水中。張子是前漢人。襄陽太守胡烈有忠化。積為堤決。民賴其利。景元四年九月。百姓刊

石銘之。樹碑於汚水。又東偏淺。冬月可涉渡。謂之反湖。兵戎之交。多自此濟。晉太康中。得鳴石於此水。禮之。聲聞數里。汚水。又東逕樂山北。昔諸葛亮。姊為梁甫吟。每所登遊。故俗以樂山為名。汚水。又東逕隆中。歷孔明舊宅北。亮語劉禪云。先帝三顧臣於草廬之中。皆臣以當世之事。即此宅也。車騎沛國劉季和之鎮襄陽也。與魏高人李安共觀此宅。命安作宅銘云。天子命我於汚之陽。聽鼓鞀。而水思庶先哲之遺光。後六十餘年。永平之五年。習鑿齒。又為其宅銘焉。潛水。出巴郡宕渠縣。潛水。蓋漢水枝分潛出。故受其稱耳。今受有大穴。潛水入焉。通嶺山下。西南潛出。謂之複水。或以為台之潛水。鄭玄曰。漢別為潛。其穴本小。水積成澤。流與漢合。大禹自廣漢賾通。即為西漢水也。故書曰。沱潛。既道劉潛之稱。白水入潛。然白水與是水合入漢。是猶漢水也。縣以是熙。中分巴立宕渠郡。蓋古賔國也。今有賔城縣。有渝水夾水。上下皆賔氏所居。漢祖入關。從定三秦。其人勇健。好歌舞。高祖愛習之。今巴渝儂是也。縣西北有不魯水。南逕其縣下。注潛水。縣有車騎將軍馮異。桂陽太守李溫。家二子之靈。常以三月還鄉水墓。長郡縣吏民莫不于水上祭。今所謂馮李也。又南入于江。庾仲雍云。楚江有別江。出賔壽縣。即潛水也。其南源取巴西。是西漢水也。瀾水出酆縣北。芬

山南流過其縣東。又南過冠軍縣東。濡水出弘農界。翼望山。水甚清徹。東
南流逕南鄭縣故城東。史記所謂下鄭也。漢武帝元明元年。封左將軍同
為侯國。濡水又南。菊水注之。水出西北石澗山。芳菊溪。亦言出祈谷。蓋溪
澗之異名也。源旁悉生菊草。澤潤滋液。極成甘美。云此谷之水。上資抱長
年。可宜玉陽。太傅衣肥。太尉胡廣。並汲飲此水。以自餒養。是以君子留心。
甘其美尚矣。菊水東南流入于濡。濡水又逕其縣東南。歷冠軍縣西北。有
楚瑁。高下相承。八重。周十里。方塘畜水。澤潤不窮。濡水又逕冠軍縣故城
東。縣本穰縣之盧陽鄉。宛之臨馳聚。漢武帝以霍去病功。冠軍諸軍。故立冠
軍縣。以封之。水西有漢太尉長史。邑人張敏碑。碑之西有魏征南軍司張
唐墓。墓有碑。碑背刊云。白楸之棺。勇朽之裳。銅鐵不入。九器不藏。嗟矣後
人。幸勿我傷。自後古墳舊冢。莫不夷毀。而是墓至元嘉初。尚不見毀。六年。
大水。蠻飢。始被發掘。說者言初開。金銀銅錫之器。未悉雕刻之飾。欄架有
二。未悉棺。棺前垂竹簾。隱以金釘。墓不甚高。而內極寬大。虛設白楸之言。
空負黃金之寶。雖意目南山。寧同壽乎。濡水又逕穰縣為六門陂。漢孝成
之世。南陽太守鄧弘。臣以建昭五年。斷濡水。立穰西石陂。至元始五年。更
開三門。為六石門。故號六門陂也。既穰新野。昆陽三縣五千餘頃。漢水毀

廢。遂不脩理。晉太康三年。鎮南將軍杜預。復更開廣。利和于民。今廢不脩矣。六門側又有六門碑。是郢南主安陽亭侯鄧達等。以太康五年立。湍水又逕豫縣故城北。又東南歷魏武故城之西南。是建安三年。曹公攻張繡之所築也。又東過白牛邑南。湍水自白牛邑南。建武中世祖封劉嵩為侯國。湍水又東南逕安衆縣故城南。縣本宛之西鄉。漢長沙定王子康侯丹之邑也。湍水東南流湮水注之。水出涅陽縣西北。岐林山東南。逕涅陽縣故城西。漢武帝元朔四年。封路晨為侯國。王莽之所謂前亭也。應劭曰。在涅水之陽矣。縣南有二碑。碑字希滅。不可復識。云是在伯豪碑。涅水又東南逕安衆縣城而為陂。謂之安衆港。魏太祖破張繡於是處。與荀彧書曰。繡遁五歸師。逼我死地。蓋於二水之間。以為必涉之艱阻也。涅水又東南流注于湍水。又東南至新野縣。湍水西縣西北。東分為鄧氏陂。漢太僕鄧禹故宅。其奉朝請西亭侯鄧展故宅。陂陵。鄧禹為展宅。略存焉。水入于滄。均水出浙縣北山南。流過其縣之東。均水發源弘農郡之盧氏縣熊耳山。山南即偃陽。葛陽二縣界也。雙峯齊秀。望若熊耳。因以為名。齊桓公鄧陵之會。西望熊耳。即此山也。太史公司馬遷。皆嘗登之。縣即浙縣之北鄉。故言出浙縣北也。均水又東南流。注逕其縣。下南越南鄉縣。又南流與丹水合。

又南當涉都縣邑北。南入于沔。均水南達順陽縣西。漢襄帝更為博山縣。
漢明帝復曰順陽焉。應劭曰。縣在順水之陽。今於是縣則無關於順水也。
章帝建初四年。封街射馬。廣為侯國。晉太康中。立為順陽縣。西有石山。南
臨均水。均水又南流注于沔水。謂之均口者也。故地理志謂之均水。言熊
耳之山。沔水出焉。又東南至順陽入于沔。粉水出房陵縣。東流過鄧邑南。
粉水導源東流注上粉縣。取此水以漬粉。則結堆鮮潔。有異衆流。故縣水
皆取名焉。又東過穀邑南。東入于沔。粉水至筑陽縣西。而下注于沔水。謂
之粉水。粉水有文將軍冢。墓隧前有石虎石柱。甚脩麗。閭丘羨之為南陽
莽婦。羨側將平其域。少惠參入諫止。羨之不從。後羨之為楊俊所害。論
者以為文將軍之崇也。白水出朝陽縣西。東流過其縣南。王莽更之曰朝
陽也。為屬信縣。應劭曰。縣在朝水之陽。今朝水逕其北。而不出其南也。蓋
邑郭淹移川渠狀。改故名。舊傳遺稱存今也。又東至新野縣南。東入于沔。
沔水出此陽東北。太胡山東。南流過其縣南。沔水從南來注之。太胡山在
此南北。如東三十餘里。廣闊五六十里。張衡賦。南都所謂天封太胡者也。
應劭曰。沔水出此陽縣東入。蔡邕云。沔水從南來注之。然此陽無沔水。蓋
誤引之。壽春沔水耳。余以延昌四年。蒙除東荊州刺史。州治沔陽縣故城。

城南有蔡水出南望石山。故亦曰望石川。西北流注于沱。非沱水也。呂氏春秋曰。齊令章子與韓魏攻荆。荆使唐蔑應之。夾沱而軍。欲視水之淺深。荆人射之而莫知也。有蒞者曰。兵盛則水淺矣。章子夜襲之。新蔑于是水之上也。沱水又西。漢水注之。水北出苑丘山。東流屈而南轉。又南入于沱。水。按山海經云。漢水又北入視。不注沱水。余按呂忱字林及難字。蕭雅並言。漢水在此陽脉其川流所會。診其水上津注。宜是漢水音聲也。北水又西南歷長岡。城北。舊沱水在會焉。仁陵水。水出無陰北山。泉流競湊。水積成湖。蓋地百頃。謂之馬仁陵。陵水居其縣下。西南竭之以溉田。時公松引到水流遂斷。故潰尚存。沱水又南。逕會口。與瀘水枝津合。沱水又南與瀘水會。瀘水源于桐柏山。與淮同源而別流。西注。故亦謂水為沱水。瀘水西北流。逕平氏縣故城東北。王莽更名。其縣曰平善城。內有南陽郡郾正街彈勒碑。瀘水又西北合瀘水。水出湖陽北山。西流北屈。逕平氏城西。為北入瀘水。瀘水又西注沱水。沱水自下亦通。謂之為沱水。晉漢光武破甄阜。渠丘賜。沱水西。新之于斯水也。沱水又南。趙瀘二渠出焉。沱水又西南流。沱水注之。水出湖城北二源微小。至城漸大。城周廻側水。諸所謂中伯菑者。既入于湖者也。世祖建武十三年。封樊重少子丹為湖陽侯。即

其國也。然則是水。即湖水也。岸下深沒流。徐平時人目之為潯潯水城。成人以潯潯為日非也。其西城之舊棘陽縣治。故亦謂之棘陽縣也。潯水又東南。迤新都縣左。注泚水。又西南流。迤新都縣故城。西王莽更之曰新林。郡國志曰。以為新野之東鄉。故新都者也。又西至新野縣南。入于潯。泚水於岡南西南流。成在岡上。泚水又西南與南長坂門二水合。其水更北出。潯陽東隆出山之西側。有漢口南太守胡著碑。平珍騎都尉尚湖陽長公主。即光武之伯姊也。廟堂皆以青石為階陛。廟北有石堂。琰之玄孫桂陽太守瑒。以延熹四年遭母憂。於墓次。立石祠。勒銘于梁。石字傾頽。而梁字無毀。盛弘之以為樊重之母。畏雷室。蓋傳疑之謬也。陸山南有一小山。山坂有兩石虎相對夾隧道。雖虞蠻荒。全無破毀。作制甚工。信為妙矣。世因謂之石虎山。其水西南流。迤湖陽縣故城南。地理志曰。故樊國也。竹書紀年曰。楚王會宋平于湖陽者矣。東城中有二碑。似是樊重碑。卷載故吏人名。司馬彪曰。仲山甫封于樊。因氏國焉。爰自宅陽。徙居湖陽。能治田租。至三百頃。起廬舍。高樓連閣。波陵灌漑。竹木成林。六畜放牧。魚鼈梨栗。棗棘桑麻。開門成市。其弩器械資至百萬。其興功造作為無窮之巧。不可宣。富擬封君。世祖之少歡。歸外氏。及之長安。受策。齋送甚至。世祖即位。追爵

敬侯。詔湖陽爲重立廟。置吏捧祠。是祠章陵。常奉重墓。其水四周城。溉城之東南。有若今樊城。中常侍樊安碑。城南有敬碑無字。又有石廟數間。依于墓側。棟宇崩毀。惟石壁而已。不知誰之肯扶矣。其水南入太湖。湖陽之名縣。皆蔽而納。稱也。湖水西南流。又與湖陽諸陂散水合。謂之板橋水。又西南與醴渠合。又有趙渠注之。二水上承派水。南還新都縣。故城東。兩瀆雙引。南合板橋水。板橋水又西南與南長水會。水上承唐子襄鄉諸陂散流也。唐子陂在唐子山西南。有唐子亭。漢光武自新野屠唐子鄉。故湖陽尉於是地。陂水清深。光武復以爲神淵。西南流于新野縣。與板橋水合。西南注于沘水。又西南流注于清水也。淮水出南陽平氏縣。胎簪山東。北過桐柏山。山海經曰。淮水餘山在朝陽東。義鄉西。尚書導淮自桐柏。地理志曰。南陽平氏縣。王莽之平善也。風俗通曰。南陽平氏縣。桐柏大復山在東南。淮水所出也。淮均也。春秋說題辭曰。淮者均其勢也。釋名曰。淮。章也。章純。楊州北界。東至于海也。爾雅曰。淮爲許。然淮水與醴水同源。俱導西流。爲醴。東流爲淮。自潛流地下三十許里。東出桐柏之大復山南。謂之陽口。水。南即復陽縣也。關羽言復陽縣。胡陽之樂鄉也。元帝元延二年。賈在桐柏大復山之陽。故曰復陽也。東觀漢記曰。宋祐少孤。歸外家復陽劉氏山。

南有淮源廟。廟前有碑。是南陽郭苞志。又二碑並是漢延熹中守令所造。
大辟鄙拙。殆不可觀。故經云。東北過桐柏也。淮水。又東逕義陽縣。縣南對
圖成山。山有水注流。數丈。洪濟澗山。遂成巨井。謂之石泉水。東流注于淮。
淮水。又逕義陽縣故城南。義陽郡治也。世謂白茅城。其城圓而不方。關駟
言晉太始中。劉劭陽東鄙之安昌。平林。平氏。義陽四縣。置義陽郡于安昌
城。又太康記。晉書地理志。並有義陽郡。以南陽屬縣為名。漢武帝元光四
年。封北地都尉。衡山為侯國也。有九渡水注之。水出雞翅山。磯澗。潛委。沿
漸九渡矣。其隋雲陽之九渡水。故亦謂之為九渡焉。於溪之東山有一水。
發自山椒下。數丈素湍。直注頽波秀壑。可數百丈。望之若靡幅練矣。下注
九渡水。九渡水又北流。注于淮。東過江夏平春縣北。淮水又東。油水注
之。水出縣西南油溪。東北流。逕平春縣故城南。漢和帝建初四年。封子全
為王國。淮水又東。曲岸北有一土穴。徑尺。泉流下注。沿流渡三丈。入于油
水。龍流高屈。又東北注于淮。淮水又東北逕城陽縣故城南。漢高帝十二
年。封定侯吳竟為侯國。王莽之利新也。魏城陽郡治。淮水。又東北與大水
水合。水西出大木山。山即晉車騎將軍祖逖。自陳留將家避難所居也。其
水東逕城陽縣北。而東入于淮。又東北流。左會湖水。傍川西南出窮溪。得

其源也。又東逕安陽縣故城南。江國也。麇姓矣。今其地有江亭。春秋文公三年。楚滅江。秦伯降服出次曰同盟。滅。雖不可救。敢不矜乎。地理志曰。漢乃縣之。呂后八年。封淮南厲王子劉勃為侯國。王莽之均夏也。淮水又東得潁口水。源南出大潁山。東北流。翼帶三川。龍流北注潁水。又北逕賢首山西。又北出東南。屈逕仁順城南。故義陽郡治。分南陽置也。晉太始初。以封安平獻王。孚畏子望。本治在石城山上。因梁希便通。徙治北城。齊司州刺史。高鮮卑不守。魏置郢州也。晉帝珍奇自懸。執遠三千騎。援義陽行。事龐定光也。于潁水者也。潁水東南流。歷金山北。山無樹木。峻峭。晉時。潁水又東逕義陽故城北。城在山上。因倚陵巔。周廻三里。是郢昔所舊治城。城南一十五步。對門有天井。周一百餘步。深一丈。東逕鍾武故城南。本江夏之屬縣也。王莽之當利縣矣。又東逕石城山北。山甚高峻。史記曰。魏攻寘。阮音義曰。寘。阮或言在郢縣蒨山也。案呂氏春秋。九塞其一也。潁水逕郢縣故城南。建武中。世祖封郢郡為郢縣侯。蘇林曰。音育。潁水。又東逕七井河南。又東北注于淮。淮水又東至谷口。谷水南出。解金山。北流至。鑿水注之。水出西南。具山東北。逕光澤城東。而北逕青山東。羅山西。東北流注于谷水。谷水東北入于淮。又東逕新息縣南。淮水東逕故息城南。春秋左

傳。隱公十一年。鄭忽有遺言。忽僕伐鄭。鄭伯敗之者也。淮水。又東。逕浮光山北。亦曰扶光山。即弋山也。逕新息縣故城南。應劭曰。息。後徙東。故加新也。王莽之新德也。光武十九年。封為侯國。外城北門內有新息哀賢廟。廟前有碑面南。又有說汝南太守程光碑。魏太和中。鑿田益宗。効城立東。豫州。以益宗為刺史。淮水又東。合慎縣水。水出慎陽縣西。而東。逕慎陽縣故城南。縣名高。漢帝十一年。封樂託為侯國。潁陰劉陶為縣長。攻化大行。道不拾遺。以病去官。童謡歌曰。邑然不帶。思我劉君。何時復果。安此下民。見思如此。應劭曰。慎水所出。東北入淮。慎水又東。流積為然陂。陂水又東南。流為上慎陂。又東。為中慎陂。又東南。為下慎陂。皆與潁都陂水數流。其陂首受淮川。左結潁陂。漢成帝時。潁方進奏毀之。建武中。汝南太守鄧晨欲脩復之。知許偉君境知水脉。召與議之。偉君言。成帝時。方進言敗我陂。置子威。及子覆。陂當復。明府興復。麻業童謡之言。將有徵矣。遂著都水掾。起塘四百餘里。百姓得其利。陂水散流下合。慎水而東南。逕息城北。又東。逕南入淮。謂之慎口。淮水又東。與中陂水合。水上水中。陂皆新息縣北。東南流。分為二水。一水逕深丘西。又屈逕其南。南入為蓮湖水。南流。

注于淮。淮水又左逶迤。結西。謂之東西運湖矣。淮水又東。右壑水。水出白沙山東北。逶迤亭西。俗謂之柴水。又東北流。與潁溪水合。水發潁谷東北。流右會柴水。柴水又東。逶迤黃城西。故弋陽縣也。城內有二城。西即黃城也。柴水又東北入于淮。謂之柴口也。淮水又東北。中陂枝水注之。水首受陂水于渚丘北。東逶迤臺南。臺在水曲之中。臺北有琴臺。又東逶迤陽亭南。東南合淮。淮水又東。逶迤淮陰亭北。又東逶迤白城南。楚白公勝之邑也。又東北去白亭一十里。淮水又東。逶迤長陵城南。又東。青陂水注之。分青陂東。潁東南逶迤白亭西。又南于長陵。成東。東南入于淮。淮水又東北合黃水。水出黃武山東。北流。木陵關注之。水導木陵山西北。流注于黃水。黃水又東。逶迤晉西陽城南。又東。逶迤南光城。南光城郡治。又東北逶迤烏城南。故弦高國也。又東北。逶迤弋陽郡東。有虞丘。郭南有子相廟。黃水又東北入于淮。謂之黃口。淮水又東北。逶迤褒信縣故城南。而東。注流之者也。又東。過期縣北。縣故蔣國。周公之後也。春秋文公十年。楚王田于孟諸。期思公復遂。禹司馬。楚滅之。以爲縣。漢帝十二年。以封黃縣。爲侯國。城之西北隅。有楚相孫叔敖廟。廟前有碑。淮水又東北。潁水注之。水出弋陽縣南。泰山西北。流歷陰山關。逶迤二城間。舊有賊難軍所頓防。西北出山。又東北流。逶迤新城。成東。又東。